

VENDIM
Nr.1111, datë 13.11.2009

**PËR MIRATIMIN E PËRDORIMIT TË FONDEVE BUXHETORE NGA KOMISIONI QENDROR I
ZGJEDHJEVE, PËR FINANCIMIN E SHPENZIMEVE PËR ZGJEDHJET E PJESSHME PËR
PUSHTETIN VENDOR, PËR DISA BASHKI E KOMUNA, MË 15 NËNTOR 2009**

Në mbështetje të nenit 100 të Kushtetutës, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë”, dhe të ligjit nr.10025, datë 27.11.2008 “Për buxhetin e vitit 2009”, të ndryshuar, me propozimin e Ministrit të Financave, Këshilli i Ministrave

VENDOSI:

1. Miratimin e përdorimit të një fondi prej 7 500 000 (shtatë milionë e pesëqind mijë) lekësh nga Komisioni Qendror i Zgjedhjeve, për financimin e zgjedhjeve të pjesshme për pushtetin vendor, që do të zhvillohen më 15 nëntor 2009, i cili të përdoret, si më poshtë vijon:

- 3 417 000 (tre milionë e katërqind e shtatëmbëdhjetë mijë) lekë, për paga e sigurime shoqërore e shëndetësore.

- 4 083 000 (katër milionë e tetëdhjetë e tre mijë) lekë, për mallra e shërbime.

2. Ky fond të përballohet nga buxheti i vitit 2009, miratuar për Komisionin Qendror të Zgjedhjeve.

3. Ngarkohen Ministri i Financave dhe Komisioni Qendror i Zgjedhjeve për zbatimin e këtij vendim.

Ky vendim hyn në fuqi menjëherë.

KRYEMINISTRI
Sali Berisha